

Tekomombe'u ñemonei rehegua

Ñemonei ha'e peteĩ mba'e ojejaposéva, ojeikuaáva, potahapeguáva ha oñondiveguáva, opa tapicha apytépe, ojeike haġua jopyhýpe. Ñemonei ikatu oñeme'ẽ ñe'ẽ térã mba'eapo rupive, umíva ohechauka porãrõ tapicha oikeseha jopyhýpe. Kirirĩ térã jepytaso'ỹ, upévape térã upévagui, ndohechauká ñemonei. Tekomombe'u ñemonei rehegua noñemoambuéi oñema'ẽgui imeña, imeña rehegua rape, imeña tekotee térã imeña jechauka rehe.

Peteĩ jopyhy ñemonei térã jopyhy oñemoneímava'ekue, tapicha ndive térã tapicha apytépe, nde'isí oñemoneiha ambue jopyhy.

Ñemonei oñekotevẽ upe omoñepyrũva jopyhy oĩro jepe ka'úre térã ñanavaíre.

Ñemonei ikatu oñeme'ẽ ñepyrũrãme, ha katu ikatu ojeipe'a upe rire.

Ñemonei noñeme'ẽkuaái tapicha ipokatu'ỹrõ, ha kóva oiko jepi tapicha ndaikatúirõ oiporavo kuaahápe jopyhy. Ko pokatuve'ỹ ikatu oiko py'amano térã jekégui, tapicha nomyikuaáirõ oipotáramo jepe, térã tapicha ndaikatúiramo omei ambuéicha. Ikatu tapicha ipy'añembyaiháicha guari, ñanavai térã ambue mba'e rupive ipokatu'ỹ, ha upéicharõ ndaikatúi omei.

Ñemonei ndaikatúi oñeme'ẽ jejopymyaña, mongyhyje, mbarete rupive, térã oje'e rupi ojejapotaha tapicháre mba'e vai.

Ñemonei ojeipe'ávo térã ndaikatuveivove oñeme'ẽ, jopyhy opava'erã.

Ñyrõ oñemombe'úrõ ojeipuruhague ñanavai ha guari

Temimbo'e resái ha ñeñangareko Rockland Community College mbo'ehaorusúpe oñemomba'eguasueterei. RCC ohechakuaa temimbo'enguéra oka'uva'ekue ha/térã oipuruva'ekue ñanavai (ojaposégui térã ndojaposéirõ jepe) oikórõ guare pe ñorãirõ, avei ogapypegua ñorãirõ, ñembokichicha ñorãirõ, mangeapoi'ỹ térã meña rãirõ, ikatu nomombe'uséi upe oikova'ekue okyhyjégui mba'eapoukávagui ojapohaguére hikuái umíva. RCC oipotaiterei temimbo'enguéra omombe'u ogapypegua ñorãirõ, ñembokichicha ñorãirõ, mangeapoi'ỹ térã meña rãirõ mbo'esyryo mba'apoharanguérape. Peteĩ techahare, jerovia porãmbýme, térã tapicha oikuaaukáva, jerovia porãmbýme, omombe'úva oikohague ogapypegua ñorãirõ, ñembokichicha ñorãirõ, mangeapoi'ỹ térã meña rãirõ RCC mba'apoharanguérape térã tendotáme, noĩmo'ái RCC's tekopy ñe'ẽhai guýpe omboaje'ỹhaguére jokuairape guari ha ñanavai rehegua oiko jave upe ogapypegua ñorãirõ, ñembokichicha ñorãirõ, mangeapoi'ỹ térã meña rãirõ.

Temimbo'e tekokatu kuaaukapy

Opa temimbo'e oguereko ã tekokatu:

Ikatu omombe'u upe oikova'ekue tendota ha/térã tahachi tetãeteguáme;

Omombe'úva ogapypegua ñorãirõ, ñembokichicha ñorãirõ, mangeapoi'ỹ térã meña rãirõ rehegua oñemomba'eguasuva'erã hekoitépe;

Ikatu oñembopy'apeteĩ omombe'u terã nomombeúi teko'avy ha ñerãirõ oikova'ekue ha avei oñemomandu tembiapoguata léipe, tekopy ha/terã tembiapovaikue reheguáva ha'e ijehegui mbo'esyry ojerureỹre chupe;

Ikatu oike tembiapoguatáme ijojáva, ojerovai'ỹva, ojesarekóva ha ome'ëva poravopyrã tapicha oñehenduka hağua;

Toñembotekoyvate, ha mbo'esyry ome'ëva'erã chupe ñepytyvõ heko rorýva, hekojojáva ha iporangarekóva ñeñangareko ha tekombo'e reheguáva, ikatúrõ;

Ndaikatúi oje'e upe tapicha omombe'úva mba'e vai iñangaipaha ko'ã teko'avy ha ñerãirõ ojuhúrõ, térã ojapova'erãha kuri ambue mba'e ani hağua oiko ã teko'avy térã ñerãirõ;

Ikatu omombe'u oikova'ekue sa'ive moakãhárape ikatuháicha, ha ndojejerureiva'erã chupe omombe'u jey hağua oikova'ekue oñeikoteve'ỹre.

Oñeñangarekova'erã hese ani hağua mbo'esyry, ambue temimbo'e, upe tapicha oje'ëva rehe ojapoha mba'e vai térã tapicha ombohováiva'erã, ha/térã iñangirũnguéra, hogayguakuéra térã umi oikuaáva chupe upe mbo'esyry ñemandáva tendápe ojapo hese mba'e vai;

Ikatuva'erã ojerurejey oñehekome'ëva'ekue rehe, peteĩ ñemohendápe jepe;

Ikatu oñemoirũ peteĩ tekombo'ehára oiporavóva rehe, ikatúva oipytyvõ térã ohekombo'e tapicha omombe'úvape, tapicha oje'ëva rehe ojapoha mba'e vai, térã tapicha ombohováiva'erãme, opa peve tembiapoguata léi térã tekopy reheguáva, avei opa ñembyaty ha ñehendurã upe tembiapoguata reheguávape;

Ikatu oipuru avarekogua tekokatu ha avei tupãreko apopy ojasuru'ỹre tekojoja mba'ejeporeka térã tembiapovaikue rehegua, térã tembiapoguata léi térã tekopy reheguáva mbo'esyryogua.

Tekokatu ojeipuru oñemaña'ỹre te'yi, sa'y, tetã rapyta, tupãreko, jeroviapy, rekove ára, pokatu'ỹ, meña, meña tekotee térã jechauka, meña rehegua rape, ogaygua reko, tyeguasú, heñoi'ypy rehegua ñembosako'i, miliko rehegua reko, ogapypegua ñorairõ ohasa'asýva reko, térã ãngaiparepy tembiapovaikue rehegua; ha oñemaña'ỹre upe teko'avy térã rãirõ oikópa raka'e mbo'ehaorusúpe, okápe térã tapicha oñemoarandúrõ jave ambue tetãme.

Ikatu remombe'u Mbo'ehaorusu Tahachípe térã Mbo'ehaorusu Ñangarekohárype, tendota reikoha ypýpe, ha/térã Tahachi Tetãeteguávape, ha avei ikatu neremombe'úi; ikatu remombe'u oikova'ekue ne mbo'esyryópe; kóva oñangarekova'erã nde rehe jepýgui remombe'uhaguére oikova'ekue; ha avei ome'ëva'erã ndéve ñepytyvõ ha puruha.